



Usuari

Text a cerca

La Universitat de Lleida > Salutacion deth rector

occità



### Salutacion deth rector



Benvengudi ena plana web dera Universitat de Lhèida, un espaci virtuu que vos aufrís informacion sus era nòstra universitat.

Era istòria des estudis universitaris en Lhèida mos remet tara edat mejana; er an 1300 eth rei Jaime II creèc er Estudi General de Lhèida, que siguec era prumèra institucion universitària de la Corona d'Aragon e ua des mès ancianas d'Europa. Era actuu Universitat de Lhèida quèi, totun, ua institucion joena, pr'amor que date der an 1991, quan era Generalitat de Catalonha n'aprovèc era restauracion sus era basa des estudis universitaris depenenti des universitats de Barcelona plaçadi en Lhèida despús eth sègle XIX. Atau, donques, era UdL que combine ua longa e feconda tradicion universitària damb ua estructura joena e dinamica consagrada a ua formacion e ua recèrca de qualitat e uns auançadi metòdes d'ensenhament.

Cosent damb eth Plan Estrategic, era nòstra universitat quèi basada sus era idèa deth servici ar entoratge social. Era UdL ei era universitat des comarques de Lhèida, fòrça implicada ena collaboracion damb era administracion locau, mès que mès damb era Paeria de Lhèida e era Deputacion. Era nòstra aufèrta compren activitats de formacion, recèrca e transferència de coneishença enes encastres dera engenhèria, dera informatica, des sciéncias dera salut e dera vida, des sciéncias dera educacion, deth dret, dera economia e des letres, damb era clara voluntat e er engatjament entà aufrir uns estudis de nauta qualitat en toti aqueri airaus. Ath delà, era Universitat de Lhèida que vò èster referent en encastre agroalimentari ena euroregion Pirenèus-Mediterranèa.

Era UdL aufrís un ensenhament presenciau e personalizat sense renonciar ara utilizacion dera via web o era semipresencialitat, a on suenhamtant era formacion academica, en tot centrar er aprendissatge en estudiant, coma eth desenvolopament des competéncias professionaus. Quèi tanben potenciada era mobilitat coma utís entà completar era formacion des estudiants. Aguesta forma de concèber eth procès formatiu ligue damb es critèris impulsadi peth procès de convergència europèa en encastre der ensenhament superior, projècte a on era UdL se tròbe implicada de plen.

Era recèrca, compresa coma hònt de generacion de coneishença universau, e de besonh tant entà aufrir un ensenhament de qualitat coma entà contribuir ath desenvolopament deth territòri, quèi un aute des encastres a on era UdL centre es sòns esfòrci. Eth supòrt as grops de recèrca de qualitat existenti, er impuls dera creacion de nau instituts de recèrca, era consolidacion des estructures de transferència de coneishença e era participacion en Parc Scientific e Tecnologic Agroalimentari son es principaus accions en cors entà assolidar ua aufèrta de recèrca de qualitat.

Ena UdL consideram quèm consacradi a formar personas; pr'amor daquerò, era formacion enes encastres academic e de recèrca se combine damb activitats qu'impulsen eth desenvolopament der estudiant coma persona. Entà arténher aquera tòca, qu'auem signat convencions de collaboracion damb entitats culturaus coma complement dera aufèrta pròpria. Actuauments i a un ample espèctre de servicis adreçadi ara comunitat universitària –dubèrti tanben a tota era societat– que permeten de hèr activitats autan culturaus (teatre, musica, dança, cinèma) coma esportives.

Desiri qu'eth web vos sigue plan util entà trobar era informacion qu'auetz de besonh sus era UdL. Se non ei atau, demorames vòstes criticques o suggeriments.

#### Altres institucions

- ▶ [DIUE](#)
- ▶ [MEC](#)
- ▶ [AQU Catalunya](#)
- ▶ [ANECA](#)

Joan Viñas i Salas  
Rector



Darrera modificació: 30/05/2011

[Inici](#) | [Contacte](#) | [Accessibilitat](#) | [Sobre el web](#) | [Mapa](#) | [Avis legal](#)  
© 2010 Universitat de Lleida - Pl. de Víctor Siurana, 1, E-25003 Lleida - Tel. +34 973 702 000  
Tots els drets reservats